

أخويا

باعيّد عليك يا اخويا
 يا اغلي هدية من امي وابويا
 باعيّد عليك يا اختي واخويا
 باعيّد عليكم بعيدكم يا كل اخواتي
 وكل واحد فيكم اسمه
 من صفات النبي
 المجد والمدح والمهارة
 والمصطفى والمحسن
 المحمود ومحمد
 واليسر والاحمدي

باعيدّ عليك يا اخويا
من غير حدود
ياللي الخير والشهامة
والجدعنه عندك
ملهاش حدود
باعيدّ عليكم
من كل الوجود
ودايما المحبة
في القلب
و الوصل ممدود
وليكم يا اغلي الناس
كل الورد

ياللي قلبك مليون
 بالرحمة
 والمودة والكرم
 والجود
 باعيّد عليكم لاني
 احساسى بيكم دايمًا
 شاغلني
 باعيّد عليكم يا حتّه
 مني
 مع ان عمركم
 ما غبتو عني
 باعيّد عليكم
 بروحي

ياللي معاكم تشفي

جروحي

باعيدّ عليكم بشوقي

وحنيني

ياللي معاكم تحلي

سنيني

باعيدّ عليك يا غالي

ياللي عشانك اسهر

ليالي

باعيدّ عليكم

بقلبي

والعيد وعمرى كله

ما يحلي غير وانت جنبى

باعِدْ عليك يا اختي
 يا اغلي هدية من امي
 وابويا
 باعِدْ عليكم
 وبدعي ربنا
 من كل قلبي انكم
 تلاقوا الخير
 فكل خطوة
 من خطواتكم
 باعِدْ يا اخويا
 يا اغلي هدية
 من امي وابويا